



資治通鑑綱目卷之二十

明 史官陳仁錫評閱

起戊戌晉成帝咸康四年 凡二十二年  
盡己未晉穆帝升平三年

戊戌四年 **趙**建武四年 ○ **代**高祖什翼犍建國元年 ○  
興元年 ○ **代**高祖什翼犍建國元年 ○

**舊大國** 一漢涼小國 一  
**新小國** 一凡四僭國  
春趙王虎燕王皝合兵

攻段氏破之虎拔令支悉取其地

趙王虎擊段遼使桃豹等將舟師十萬出漂  
淪津支雄等帥步騎七萬為前鋒燕王皝引

兵攻掠令支以北、段遼將追之、慕容翰曰、今  
 趙兵在南、當并力禦之、而更共燕鬪、萬一失  
 利、何以禦南敵乎、段蘭怒曰、吾前為卿所誤、  
 以成今日之患、今不復墮卿計中矣、乃悉眾  
 追之、旣設伏邀擊、大破之、掠五千戶而歸、虎  
 進屯金臺、支雄長驅入薊、遼所署漁陽上谷  
 代郡守相皆降、取四十餘城、北平相陽裕帥  
 數千家登燕山以自固、諸將恐其為後患、欲  
 攻之、虎曰、裕儒生矜惜名節、恥於迎降耳、無  
 能為也、遂過之、至徐無、遼不敢復戰、棄令支  
 奔密雲山、慕容翰奔宇文氏、虎入令支宮、徙  
 二萬餘戶於司雍、兗、豫、四州士大夫之有才  
 行者、皆擢敘之、  
 陽裕詣軍門降、

**集覽**

令支、縣名、屬遼西郡、顏  
 師古曰、令去聲、支音祗

徐無注見漢獻

帝初平四年

**質實**

漂渝津未詳處所一統志云今支漢之縣名屬

遼西郡北齊屬北平郡又析置新昌縣隋開皇中省肥如入新昌後為盧龍郡治唐武德初移平州治此改為盧龍縣遼金元俱仍舊本朝因之改屬永平府金臺即黃金臺在順天府東南一十六里又一曰小金臺在府東南一十五里按燕昭王於易水東南築黃金臺延天下士後人慕其好賢之名亦築臺於此為京師八景之一名曰金臺夕照薊縣注見漢帝玄更始二年燕山在順天府玉田縣西北二十五里自西山一帶迤邐東西延袤數百里抵海岸密雲山在順天府密雲縣南一十五里亦名橫山昔燕趙伏兵於此大

獲遼

衆

# 夏四月成李壽弒其主期而自立改國號漢

成主期驕虐日甚多所誅殺大臣多不自安  
 尤忌漢王壽威名使出屯涪壽懼不免每當  
 入朝常詐為邊書辭以警急初巴西處士龔  
 壯父叔皆為李特所殺壯欲報仇積年不除  
 喪壽數以禮辟之壯不應而往見壽壽問自  
 安之策壯曰蜀民本皆晉臣節下若能發兵  
 西取成都稱藩於晉則福流子孫名垂不朽  
 豈徒脫今日之禍而已壽然之遂襲成都壽  
 世子勢為翊軍投杼開門  
 遂克成都屯  
 兵宮門奏殺大臣數人縱  
 掠數日乃定

不稱藩是  
成李失着

矯太后任氏令廢期為縣公幽之期縊而卒  
羅恒解思明等勸壽如壯策壽用任調等言  
遂自稱帝改國號曰漢尊父驥帝號更以舊  
廟為大成廟後竟盡殺成主雄諸子以安車  
束帛徵龔壯為太師壯  
誓不仕贈遺一無所受 **集覽** 節下猶言閣下  
足下也大將軍  
持節以專殺欲與言者不敢指斥須呼其在  
節下侍者執事者先與之言因卑達尊之意

**質實**

**涪**縣名注見漢武帝建安十六年  
**巴西**郡名注同上建安十九年

五月趙王虎擊燕不克燕慕容恪追擊大敗之

趙王虎以燕不會攻段遼而自專其利伐之  
又遣四出招誘民夷得三十六城遂進逼棘

徽根佩二  
臣燕不國  
矣

城。號欲出亡。帳下將慕輿根諫曰：趙彊我弱，大王一舉足，則趙之氣勢遂成，不可復敵矣。今固守堅城，其勢百倍，事之不濟，不失於走。奈何望風委去，為必亡之理乎？號乃止。然猶懼形於色。玄菟太守劉佩曰：事之安危，繫於一人。大王當自彊，以厲將士，不宜示弱。事急矣。臣請出擊之。縱無大捷，足以安眾。乃將敢死數百騎，出衝趙兵，所向披靡，斬獲而還。於是士氣自倍，號意乃安。根等晝夜力戰，凡十餘日，趙兵不能克而退。號遣其子恪帥二千騎追擊之，趙兵大敗，斬獲三萬餘級。諸軍皆潰。惟游擊將軍石閔一軍獨全。閔本姓冉，虎養以為子。號勇善戰，多策畧，虎愛之。比諸孫，虎還艱。蒲洪以功拜都督六夷諸軍事。閔言

虎亦有仁心

於虎曰、洪雄雋、得將士死力、諸子皆有非常之才、且握彊兵、據近畿、宜密除之、以安社稷。虎曰、吾方倚其父子以取吳蜀、柰何殺之、待之愈厚、孰分兵討諸叛城、皆下之、誅滅甚衆。虎遣曹伏、將青州之衆戍海島、運糧三百萬斛以給之、又以船三百艘、運穀請高句麗使王典帥衆萬餘屯田海濱。又令青州造船千艘、謀復擊燕。

**集覽**

海島、韋昭曰、海中山

有依止曰島。今海州東海縣有島山、去岸八十里。

**質實**

玄菟郡名。注見漢武帝元

封二年。披靡。注見宋順帝昇平三年。一統志云、海島即高公島也。在淮安府海州城東八

十里。舊傳有高公

嘗漁于此故名。



# 趙冀州大蝗

主德

白衣領職  
是劄事

趙冀州八郡蝗司隸請坐守宰趙王虎曰此朕失政所致而欲委咎守宰豈罪已之意耶司隸不進讜言佐朕不逮而欲妄陷無辜可白衣領職

**質實**

張九韶曰漢置冀州

治趙郡所領魏郡鉅鹿常山清河廣平真定中山信都河間趙國十郡晉因之今言八郡者特舉被蝗者而言也

以司徒導為太傅都督中外諸軍事郗鑒為太尉庾亮為司空六月更以導為丞相罷司徒官

庾亮再發  
狂謀

導性寬厚，委任諸將。趙胤、賈寧等多不奉法。大臣患之。亮與鑒牋曰：主上自八九歲，以及成人，入則在宮人之手，出則唯武官小人讀書，無從受章句。顧問未嘗遇君子。秦政欲愚其黔首，天下猶知不可。况欲愚其主哉！人生春秋既盛，不稽首歸政，甫居師傅之尊，多養無益之士，公與下官並荷託付，大姦不掃，何以見先帝於地下乎？欲共起兵廢導，鑒不聽。或勸導密爲之備。導曰：吾與元規休戚是同，悠悠之談，宜絕智者之口。卽如君言，吾便角巾還第，復何懼哉？孫盛諫亮曰：主公常有世外之懷，豈肯爲凡人事耶？此必佞邪之徒，欲間內外耳。亮乃止。是時亮雖居外鎮，而遙執朝權，旣據上流，擁彊兵，趣勢者多歸之。導內

不能平、嘗遇西風塵起、舉扇自蔽、徐曰、元規  
塵汚人、○導以李充為掾、充以時俗崇尚浮  
虛、嘗以為老子絕仁棄義、蓋患乎懷仁義者  
寡、而利仁義者眾耳、而凡人見形逐迹、離本  
逾遠、乃作學箴以祛其蔽、曰、名之攸彰、道之  
攸廢、乃損所隆、乃崇所替、非仁無以長物、非  
義無以齊恥、仁義固不可  
遠去、其害仁義者而已、

**質實**

元規、庾亮表  
字孫盛、大原

人李充

汝南人

### 秋漢霖雨

蜀中久雨、百姓饑疫、漢主壽命羣臣極言得  
失、龔壯上封事曰、陛下起兵之初、上指星辰

昭告天地。歃血盟衆。舉國稱藩。天應人悅。大功克集。而論者未諭權。宜稱制。今淫雨百日。饑疫並臻。天其或者將以監示陛下故也。愚謂宜遵前盟。推奉建康。彼必不愛高爵重位。以報大功。雖降階一筭。而子孫無窮。永保福祚。不亦休哉。壽省書內慙。祕而不宣。

**質**

**實** 建康郡名注見漢獻帝興平二年

### 冬十月光祿勳顏含致仕

顏含以老遜位。時論者以王導帝之師傅。百僚宜為降禮。太常馮懷以問含。含曰。王公雖貴重。禮無偏敬。降禮之言。或是諸君事宜。鄙人老矣。不識時務。既而告人曰。吾聞伐國不

問仁人向馮祖思問佞於我我豈有邪德乎  
 郭璞嘗欲爲之筮含曰年在天位在人修已  
 而天不與者命也守道而人不知者性也自  
 有性命無勞著龜致仕二十餘年年九十三  
 而卒質實顏含琅邪莘人祖思馮懷表字著龜  
 人注見漢昭帝元鳳元年伐國不問仁  
 人注見漢明  
 帝永平三年

**書法**

自漢書丞相賢致仕宣帝地節三年  
 是後歷東漢僅一書和帝永元十三

年於是復見美知止也終綱目書  
 致仕二十二詳宣帝地節三年

代王翳槐卒弟什翼犍立

**考異**

立當作嗣

猜爭之世  
乃有此交  
讓之美  
代復興

安民

代王翳槐之弟什翼犍質於趙翳槐疾病命  
諸大人立之翳槐卒諸大人以什翼犍在遠  
來未可必謀立次弟孤孤不可自詣鄴迎什  
翼犍請身留為質趙王虎義而俱遣之什翼  
犍即位於繁峙北分國之半以與孤代自猗  
盧卒國多內難部落離散什翼犍雄勇有智  
畧能修祖業始置百官分掌眾務以代人燕  
鳳為長史許謙為郎中令制反逆殺人姦盜  
之法號令明白政事清簡無繫訊連逮之煩  
百姓安之於是東自濊貉西及破落那南距  
陰山北盡沙漠率皆集覽連逮秦皇本紀以  
歸服有眾數十萬人罪過連逮索隱曰  
逮及也謂連及俱被捕破落那  
西域國都貴山城在疏勒西北質實繁峙縣  
名注見

通鑑綱目 卷二十一  
懷帝永嘉四年燕鳳代人滅貉東夷國名注  
見新莽始建國五年陰山注見秦王政三年

〔沙漠〕注見漢獻帝

建安二十五年

十二月趙遣兵迎段遼燕慕容恪擊敗之以遼

歸殺之

段遼自密雲山遣使求迎于趙既而中悔復  
遣使于燕趙王虎遣麻秋帥衆迎之敕秋曰  
受降如受敵不可輕也燕王皝亦自將迎遼  
遼密與燕謀覆趙軍皝遣恪伏精騎於密雲  
山大敗秋兵獲其司馬陽裕盡得遼衆待遼  
以上賓之禮以裕爲郎中令久之遼謀反皝

斬之質實一統志云密雲山在順天府密雲縣南十五里亦名橫山昔燕趙伏兵於

此大獲

遼眾

**書法**

遼嘗書弒君矣不書誅何殺不以其罪也故雖有罪而殺之不以其罪網

目一以

殺書之

巳亥五年

**趙**建武五年

春三月庾亮表請伐趙詔諭止

之

亮欲開復中原表以桓宣鎮襄陽弟懌鎮魏興翼鎮江陵毛寶樊峻成邾城上疏欲帥大



時導與亮  
存隙故不  
欲沮其謀  
以激怒之  
不然晉之  
寡弱趙之  
強盛導未  
必昧昧至  
此

國勢

衆十萬移鎮石城遣諸軍羅布江沔爲伐趙  
之規帝下其議丞相導請許之太尉鑒議以  
爲資用未備不可大舉太常蔡謨議曰時有  
否泰道有屈伸苟不計疆弱而輕動則亡不  
終日何功之有爲今之計莫若養威以俟時  
時之可否繫胡之疆弱胡之疆弱繫虎之能  
否自石勒舉事虎常爲爪牙百戰百勝遂定  
中原勒死之後虎挾嗣君誅將相內難旣平  
剪削外寇四境之內不失尺土以是觀之虎  
爲能乎將不能也今征西欲自將大軍席卷  
河南虎必親帥其衆來決勝負欲與之戰何  
如石生若欲城守何如金墉欲阻沔水何如  
大江欲拒石虎何如蘇峻石生猛將關中精  
兵征西之戰殆不能勝也金墉險固劉曜十